

UNIVERZITET U SARAJEVU
FAKULTET SPORTA I TJELESNOG ODGOJA

03A i Hercegovina-Federacija Bosne i Hercegovine
FAKULTET SPORTA I TJELESNOG ODGOJA
UNIVERZITETA U SARAJEVU
SARAJEVO

Primljeno: 20.04.2015.			
Org. jed.	Broj	Prilog	Vrijednost
01	1221	I	15

**PRAVILNIK
O POSTUPKU DIREKTRNOG SPORAZUMA**

Sarajevo, februar 2015 godine

Na osnovu člana 90. Zakona o javnim nabavkama Bosne i Hercegovine („Službeni glasnik BiH“ broj: 39/14, člana 8. Pravilnika o postupku direktnog sporazuma („Službeni glasnik BiH“ broj: 90/14) i člana 92. Stuta Univerziteta u Sarajevu Nastavno-naučno vijeće fakulteta na sjednici održanoj 13.04.2015. godine usvojilo je

P R A V I L N I K
O POSTUPKU DIREKTOG SPORAZUMA NA FAKULTETU SPORTA I
TJELESNOG ODGOJA

Član 1.

(Predmet Pravilnika)

(1) Ovim se Pravilnikom definira postupak javne nabavke roba, usluga i radova na fakultetu putem direktnog sporazuma iz člana 90. Zakona o javnim nabavkama (u daljnjem tekstu: Zakon).

Član 2.

(Uslovi za primjenu direktnog sporazuma)

- (1) Postupak direktnog sporazuma se može provesti kada je procijenjena vrijednost istovrsnih roba, usluga ili radova na godišnjem nivou jednaka ili manja od 6.000,00KM.
- (2) Fakultet može tokom jedne godine za isti predmet nabavke potrošiti do 6.000,00 KM putem ovog postupka.
- (3) Fakultet može započeti postupak direktnog sporazuma ako je takva nabavka predviđena planom nabavki fakulteta ili kada se ukaže potreba za nabavkom roba, usluga ili radova putem direktnog sporazuma i dekan fakulteta donese posebnu odluku o pokretanju direktnog sporazuma u skladu s članom 17. stav (1) Zakona.

Član 3.

(Principi dodjele direktnog sporazuma)

Postupak direktnog sporazuma se provodi na način da se osigura poštovanje principa iz člana 3. Zakona.

Član 4.

(Početak postupka)

- (1) Procjenjivanje vrijednosti javne nabavke koja se dodjeljuje direktnim sporazumom vrši se u skladu s članom 15. Zakona.
- (2) Procijenjena vrijednost mora biti važeća u trenutku kada fakultet zatraži prijedlog cijene ili ponudu od jednog ili više privrednih subjekata.
- (3) Postupak direktnog sporazuma započinje donošenjem odluke ili rješenja u pisanom obliku koje sadrži sve elemente iz člana 18. stav (1) Zakona.
- (4) Odlukom ili rješenjem iz stava 3 ovog člana formira se i komisija zadužena za provođenje postupka nabavke.
- 5) Odluku ili rješenje iz stava 3 ovog člana donosi dekan fakulteta.

Član 5.

(Izvršenje postupka)

- (1) Komisija formirana odlukom ili rješenjem dekana za provođenje postupka ispituje tržište te traži pisani prijedlog cijene ili ponudu od jednog ili više privrednih subjekata koji obavljaju djelatnost koja je predmet javne nabavke.
- (2) Nakon što primi prijedlog cijene ili ponudu od jednog ili više ponuđača, a prije zaključivanja direktnog sporazuma, komisija:
 - a) pregovara sa ponuđačem/ponuđačima o cijeni i/ili
 - b) prihvata prijedlog cijene ili ponudu jednog ponuđača i/ili
 - c) provodi drugu vrstu postupka definisanu Zakonom.
- (3) Na osnovu provedenog postupka komisija podnosi izvještaj sa prijedlogom dekanu za zaključenje direktnog sporazuma.
- (4) Dekan fakulteta na prijedlog komisije donosi odluku o zaključenju direktnog sporazuma

Član 6.

(Izbor ponuđača)

- (1) Kod izbora ponude na osnovu koje će biti dodijeljen ugovor, komisija treba uzeti u obzir faktore kao što su cijena, količina, kvalitet, tehnički opis, estetske i funkcionalne zahtjeve, karakteristike koje se odnose na okolinu, vrijeme i period isporuke i sl.
- (2) Komisija predlaže izbor ponuđača na način koji garantira najbolju razmjenu vrijednosti za novac. Kada vodi pregovore koji se odnose na prijedlog cijene ili ponudu, komisija djeluje u skladu sa dobrom komercijalnom praksom.
- (3) Kada traži prijedlog cijene ili ponudu, komisija daje ponuđačima određeni rok da pripreme prijedlog cijene ili ponudu, uzimajući u obzir kompleksnost nabave.

Član 7.

(Zaključivanje direktnog sporazuma)

Direktni sporazum smatra se zaključenim:

- a) Kod nabavki čija vrijednost iznosi do 1.000,00 KM, prilaganjem računa ili druge odgovarajuće dokumentacije;
- b) Kod nabavki čija vrijednost je viša od 1.000,00KM, fakultet je dužan zaključiti ugovor.

Član 8.

(Stupanje na snagu)

Pravilnik stupa na snagu danom donošenja i bit će objavljen na oglasnoj ploči i web stranici fakulteta.

